

# TAKLIMAT

## Latihan Industri : Bersediakah kita?

Industrial  
Training

*Penulis: Nurfaizah Kamarudin dan Dr Hajah Imilia Ibrahim*

Pada 7 Julai 2023 bersamaan hari Jumaat, telah diadakan satu Taklimat Latihan Industri bagi kod kursus IMD310 (Industrial Training) di bilik Kuliah G214 pada jam 9.00 pagi. Buat julung kalinya, para pelajar Diploma Pengurusan Maklumat di UiTM cawangan Sarawak akan menjalani latihan industri selama 8 minggu. Latihan industri ini akan diadakan pada cuti semester semasa pelajar di semester 4. Persediaan awal perlu dilakukan bagi memastikan perjalanan latihan industri para pelajar berjalan dengan lancar. Taklimat ini telah disampaikan oleh Puan Nurfaizah Kamarudin selaku Penyelaras Latihan Industri bagi Diploma Pengurusan Maklumat UiTM Cawangan Sarawak. Para pelajar semester 3 turut hadir bagi mendengar taklimat dan memahami perkara-perkara penting yang perlu dilakukan sebelum memulakan latihan industri nanti. Latihan industri Diploma Pengurusan Maklumat dijangka akan bermula pada 4 Februari 2024 sehingga 29 Mac 2024.

Justeru, taklimat ini menerangkan maklumat yang penting untuk para pelajar supaya mereka peka dengan perkara yang perlu diambil berat. Antara maklumat penting yang dikongsi adalah tarikh permulaan latihan industri dan tempoh masa latihan industri. Selain itu, para pelajar diwajibkan untuk mencari sendiri dua organisasi pilihan mereka untuk pemilihan tempat latihan industri, bersama dengan maklumat seperti nama organisasi dan alamat penuh, nombor telefon, alamat emel, dan nama

pegawai untuk dihubungi. Selain itu, para pelajar akan menghasilkan Curriculum Vitae (CV) dan surat pengiring bagi tujuan latihan industri ini. Aplikasi Telegram latihan industri telah diwujudkan bagi memudahkan komunikasi dan urusan dua hala antara para pelajar dan penyelaras latihan industri.

Selain itu, penyelaras latihan industri turut berkongsi tips dan tatacara sebagai pelajar IPT yang akan menjalani latihan industri kelak. Hal ini penting untuk dikongsi, bagi memperingatkan kepada para pelajar tentang adab, ilmu, kemahiran, dan juga do's and don'ts semasa latihan industri dilakukan. Pihak fakulti berharap agar para pelajar dapat mempraktikkan apa yang dipelajari sepanjang Semester 1 sehingga semester 4. Pada masa yang sama, para pelajar dapat mempelajari dan memperolehi kemahiran dan pengalaman yang baharu semasa latihan industri. Besarlah harapan pihak fakulti agar para pelajar dapat menimba ilmu sebanyak mungkin dan meningkatkan kemahiran, serta menyesuaikan diri di dalam organisasi. Selamat menjalani latihan industri dengan jayanya!